



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Komisija za finansije i budžet

Broj: 01/4-011-248/03
Sarajevo, 4.3.2003. godine

Z A P I S N I K

**sa 4. sjednice Komisije za finansije i budžet Predstavničkog doma
Parlamentarne skupštine Bosne i Hercegovine,
održane 4. marta 2003. godine**

Sjednica je počela u 9:00 časova.

Sjednicom je predsjedavao Nikola Špirić, predsjedavajući Komisije.

Sjednici su prisustvovali: Fatima Leho, Hazim Felić, Beriz Belkić, Filip Andrić, Mirko Blagojević i Ljiljana Milićević, članovi Komisije.

Opravdano odsustvovali: Zlatko Lagumdžija i Abdulah Nakaš.

Sjednici su prisustvovali: Emira Češljarić, sekretar Komisije za vanjsku trgovinu i carine u svojstvu privremenog sekretara Komisije za finansije i budžet.

Za sjednicu je predložen i usvojen sljedeći

D N E V N I R E D

1. Nastavak razmatranja Izvještaja članova Komisije sačinjen na osnovu Izvještaja Ureda za reviziju finansijskog poslovanja institucija Bosne i Hercegovine za 2001. godinu
2. Razno.

Ad – 1 Nastavak razmatranja Izvještaja članova Komisije sačinjen na osnovu Izvještaja Ureda za reviziju finansijskog poslovanja institucija Bosne i Hercegovine za 2001. godinu

U rapsravi su učestvovali: Nikola Špirić, Beriz Belkić i Fatima Leho.

Predsjedavajući Komisije je mišljenja da bi se na ovoj sjednici trebao donijeti konačan izvještaj Komisije povodom izvještaja Ureda za reviziju. Komisija treba da usvoji prijedlog stranice koja će biti zajednička za sve izvještaje kao i preporuke

Komisije prema Predstavničkom domu Parlamentarne skupštine Bosne i Hercegovine. Navedeni prijedlog članovi Komisije su jednoglasno prihvatili.

Beriz Belkić je istakao da nije dobio odgovore na pitanja koja je uputio Ministarstvu inostranih poslova i Agenciji za statistiku BiH. Ukoliko u narednom periodu ne dobije odgovore on ostaje pri svom izvještaju koji je već sačinio. Također je da prijedlog za buduću metodologiju rada po izvještajima Ureda za reviziju koji su uručeni članovima Komisije.

Nikola Špirić smatra da to pitanje ne treba otvarati danas već po okončanju smeinara koji će biti organizovan na temu.

Fatima Leho se obavezala i predložila da joj članovi Komisije dostave svoje izvještaje koje će objediniti. Nikola Špirić i Beriz Belkić su se složili da do sada sastavljene izvještaje treba usaglasiti i objediniti, a ukoliko se u toku naredne sedmice ne dostave tražene informacije sačinit će se izvještaj na bazi izvještaja Ureda i obavljenih intervjuja.

Također je dogovoren sadržaj uvodnog dijela izvještaja koji će biti upućen Predstavničkom domu.

Nikola Špirić je iznio prijedlog tri preporuke Parlamentarnoj skupštini Bosne i Hercegovine kao preporuke Komisije , a to su:

- da Predstavnički dom obaveže Vijeće ministara i Ministarstvo finansija i trezora da u skladu sa članom 11. Zakona o trezoru institucija Bosne i Hercegovine usvoji pravila koja precizno normiraju potrošnju iz Budžeta:
- u Zakonu o izvršenju Budžeta institucija BiH za 2001. godinu u članu 16.2. utvrđeno je da će Ministarstvo za trezor institucija BiH u saradnji sa drugim budžetskim korisnicima definisati registar roba i usluga koje podliježu proceduri javnog oglašavanja, a u Zakonu o izmjenama i dopunama o izvršenju Budžeta predviđeno je da će Vijeće ministara posebnim aktom utvrditi procedure o postupku nabavke roba i usluga za potrebe institucija BiH, što nije učinjeno u 2001. godini.
- predlaže da, se u roku od 60 dana od usvajanja komisijskog izvještaja, Predstavnički dom obaveže Ministarstvo finansija i trezora i Vijeće ministara u pravcu donošenja akta o procedurama o postupku nabavke roba i usluga za potrebe institucija BiH.

Predstavnički dom treba da obezbjedi kvalitetno praćenje realizacije troškova, kako u ukupnom iznosu tako i po budžetskim stavkama, što podrazumijeva daljnju izgradnju sistema internih kontrola kao i usvajanje i donošenje pravila i procedura.

Zaključeno je jednoglasno, da se o ovoj tematici održi još jedna sjednica Komisije do kraja marta na kojoj će se sakupiti svi pojedinačni izvještaji članova Komisije i uobličiti konačan izvještaj Komisije sa preporukama Predstavničkom domu.

Ad-2 Razno

U vezi sa seminarom OSCE-a čije je održavanje pomjereno za 19. i 20. mart jednoglasno je zaključeno da svi članovi Komisije koji u navedenom terminu iz opravdanih razloga nisu u BiH obavezno prisustvuju seminaru.

Beriz Belkić smatra da treba uputiti zaključak Vijeću ministara u vezi sa rebalansom budžeta jer je već došlo do probijanja rokova.

Sjednica je okončana razmjenom mišljenja između Beriza Belkića i Nikole Špirića, a u vezi članova Komisije koji ne prisustvuju sjednicama i zanemaruju svoj rad u Komisiji. Beriz Belkić smatra da treba uputiti zaključak Komisije Predstavničkom domu povodom toga i da je to neophodno sankcionisati na određeni način. Nikola Špirić u načelu se složio sa navedenim, ali zaključak bi odložio za kasnije jer bi prethodno želio obaviti usmeni razgovor sa članovima Komisije koji neopravdano ne prisustvuju sjednicama. Istakao je da Komisija može obavljati svoje poslovničke poslove sve dok ima potreban kvorum za rad i odlučivanje.

Sjednica okončala rad u 9:45.

Zapisnik sačinila
Emira Češljarić

Predsjedavajući Komisije
dr. Nikola Špirić